

Таженова Г.Е.,
Тошкент давлат аграр университети
Нукус филиали мустақил изланувчиси
gulbaxartajenova1972@mail.ru

ҚИШЛОҚ ХЎЖАЛИК МАҲСУЛОТЛАРИ ЭКСПОРТИ САЛОҲИЯТИНИ ОШИРИШ ВА МОЛИЯЛАШТИРИШНИ ТАКОМИЛЛАШТИРИШ ЙЎЛЛАРИ

СПОСОБЫ УВЕЛИЧЕНИЯ ПОТЕНЦИАЛА СЕЛЬСКОХОЗЯЙСТВЕННОГО ЭКСПОРТА И УЛУЧШЕНИЯ ФИНАНСИРОВАНИЯ

WAYS TO INCREASE AGRICULTURAL EXPORT POTENTIAL AND IMPROVE FINANCING

Аннотация. Қишлоқ хўжалиги маҳсулотлари экспортини молиялаштириш амалиётини такомиллаштириш аграр соҳанинг экспорт салоҳиятини оширишнинг зарурий шартларидан бири ҳисобланади.

Мақолада Ўзбекистон Республикасида қишлоқ хўжалик маҳсулотлари экспортини молиялаштириш амалиётини такомиллаштириш билан боғлиқ бўлган муаммолар аниқланган ва уларни ҳал қилишга қаратилган илмий таклифлар ишлаб чиқилган.

Таянч иборалар: қишлоқ хўжалиги, экспорт, аккредитив, кафолат, сугурта, давлат бюджети, субсидия, кредит, тижорат банки.

Аннотация. Совершенствование практики финансирования экспорта сельскохозяйственных продуктов является одним из обязательных условий повышения экспортного потенциала аграрного сектора.

В статье выявлены проблемы, связанные с совершенствованием практике финансирования экспорта сельскохозяйственных продуктов в Республике Узбекистан и разработаны научные предложения, направленные на решение этих проблем.

Ключевые слова: сельское хозяйство, экспорт, аккредитив, гарантия, страхования, государственный бюджет, субсидия, кредит, коммерческий банк.

Abstract. Improving the practice of financing the export of agricultural products is one of the prerequisites for increasing the export potential of the agricultural sector.

The article identifies the problems associated with improving the practice of financing the export of agricultural products in the Republic of Uzbekistan and developed scientific proposals aimed at solving these problems.

Key words: agriculture, export, letter of credit, guarantee, insurance, state budget, subsidy, credit, commercial bank.

Қишлоқ хўжалиги маҳсулотлари экспортини молиялаштириш амалиётини такомиллаштириш аграр соҳанинг экспорт салоҳиятини оширишнинг зарурий шартларидан бири ҳисобланади.

Халқаро савдо ташкилотининг расмий маълумотига кўра, коронавирус пандемияси туфайли дунё бўйича халқаро савдо айланмасининг пасайиши кузатилаётган бўлса-да,

2020 йилнинг биринчи ярим йили якунида ўтган йилнинг шу даврига нисбатан қишлоқ хўжалик маҳсулотлари экспорти ҳажми 2,5 фоизга ўсди. Бу эса, аввало, аграр соҳани давлат томонидан молиявий қўллаб-қувватланаётганлиги билан изоҳланади.

Биргина 2020 йилда АҚШда фермерларга қўшимча 19 млрд. доллар миқдорида субсидия берилади [1].


Россияда қишлоқ хўжалик маҳсулотларини хорижий бозорларда сотилишига кўмаклашиш мақсадида давлат томонидан ажратилган маблағлар миқдори 2019 йилда 2018 йилга нисбатан 52,4 фоизга ошди [2]. 2017–2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида экспорт фаолиятини либераллаштириш ва соддалаштириш, экспорт таркибини ва географиясини диверсификация қилиш, иқтисодиёт тармоқлари ва ҳудудларнинг экспорт салоҳиятини кенгайтириш ва сафарбар этиш мамлакат иқтисодиётининг барқарор ривожланишини таъминлашнинг зарурий шартларидан бири сифатида эътироф этилган [3]. Бу эса, ўз навбатида, қишлоқ хўжалиги маҳсулотлари экспортини молиялаштириш амалиётини такомиллаштириш заруриятини юзага келтиради.

Қишлоқ хўжалиги маҳсулотларининг экспорти мамлакат экспортининг муҳим таркибий қисми ҳисобланади ва мамлакатнинг экспорт салоҳиятини юксалтиришда муҳим ўрин тутади.


1-расм маълумотларидан кўринадики, 2017–2019 йилларда Ўзбекистон Республикаси экспортининг ҳажми ўсиш тенденциясига эга бўлган. Аммо, қишлоқ хўжалик маҳсулотлари экспортининг ҳажми беқарор бўлган. 2018 йилда қишлоқ хўжалик маҳсулотлари экспортининг ҳажми 2017 йилга нисбатан сезиларли даражада камайган.

Таъкидлаш жоизки, Ўзбекистон Республикаси Вазирлар Маҳкамасининг қафолати асосида қишлоқ хўжалиги маҳсулотларини экспорт қилувчиларни молиялаштириш мақсадида халқаро кредитларни жалб қилиш қишлоқ хўжалигини молиявий қўллаб-қувватлашнинг асосий шаклларида бири ҳисобланади.

Қишлоқ хўжалиги маҳсулотлари экспортига миллий валюта-сўмнинг Ўзбекистоннинг асосий ташқи савдо ҳамкорлари бўлган мамлакатларнинг миллий валюталарига нисбатан реал алмашув курсининг ошиши салбий таъсир кўрсатади. Бунинг сабаби шундаки, миллий валютанинг реал алмашув курсини ошиши натижасида Ўзбекистон-



1-расм. Ўзбекистон Республикасида экспорт ва қишлоқ хўжалик маҳсулотлари экспортининг ҳажми, млрд. АҚШ доллари [4].



2-расм. Ўзбекистон Республикаси Давлат бюджети маблағлари ҳисобидан қишлоқ хўжалик маҳсулотлари экспортчиларига ажратилган субсидиялар миқдори, млрд. сўм [5].

дан ушбу мамлакатларга экспорт қилинаётган қишлоқ хўжалиги маҳсулотлари қимматлашиб кетади.

Қишлоқ хўжалиги маҳсулотлари экспортини давлат томонидан молиявий қўллаб-қувватлашнинг муҳим шакли бўлиб, давлат бюджетидан қишлоқ хўжалигига субсидиялар ажратиш ҳисобланади (2-расм).

2-расм маълумотлардан кўринадик, 2014–2018 йилларда Ўзбекистон Республикаси Давлат бюджетининг маблағлари ҳисобидан қишлоқ хўжалиги маҳсулотлари экспортчиларига берилган субсидиялар миқдори ўсиш тенденциясига эга бўлган. Бунинг устига, берилган субсидиялар миқдори 2018 йилда 2014 йилга нисбатан юқори ўсиш суръатига эга бўлган.

Аммо давлат бюджетини дефицит билан бажарилаётганлиги давлатнинг экспортчи корхоналарга субсидиялар ажратиш имкониятини чекланиб қолишига олиб келади.

Ўзбекистон Республикасида қишлоқ хўжалиги маҳсулотлари экспортини молиялаштириш амалиётида асосий ўринни тижорат банкларининг кредитлари эгаллайди.

2015–2019 йилларда қишлоқ хўжалиги маҳсулотлари экспортини молиялаштириш мақсадида берилган кредитлар Агробанкнинг кредит портфелида жуда кичик салмоқни эгаллаган. Бунинг устига, ушбу кўрсаткич 2019 йилда 2015 йилга нисбатан пасайган [6]. Ушбу ҳолатлар қишлоқ хўжалиги маҳсулотлари экспортини молиялаштириш амалиётини такомиллаштириш нуктаи-назаридан салбий ҳолат ҳисобланади.

Агробанк томонидан қишлоқ хўжалик маҳсулотлари экспортини молиялаштиришда экспорт бўйича очилган ҳужжатлаштирилган аккредитивлардан ва экспортёрларнинг импорти тўловлари бўйича очилган аккредитивлардан кенг фойдаланилмоқда.

3-расм маълумотларидан кўринадик, Агробанк томонидан қишлоқ хўжалиги маҳсулотлари экспортчиларига очилган ҳужжатлаштирилган аккредитивлар суммаси 2015–2017 йилларда ўсиш тенденциясига эга бўлган. Ушбу ҳужжатлаштирилган аккредитивлар миқдори 2018 йилда 2017 йилга нисбатан сезиларли даражада камайгани ҳолда, 2019 йилда 2018 йилга нисбатан кескин ошган. Бу эса, қишлоқ хўжалиги маҳсулотлари экспортини молиялаштириш амалиётини такомиллаштириш нуктаи-назаридан ижобий ҳолат ҳисобланади.

3-расм маълумотларидан кўринадик, Агробанк томонидан қишлоқ хўжалиги маҳсулотлари экспортчиларига берилган кафолатлар суммаси 2015–2017 йилларда ўсиш тенденциясига эга бўлган.



3-расм. АТ «Агробанк» томонидан қишлоқ хўжалик маҳсулотлари экспортчиларига очилган ҳужжатлаштирилган аккредитивлар ва уларга берилган кафолатлар [7], млрд. сўм.

Мазкур кафолатлар суммаси 2018 йилда 2017 йилга нисбатан сезиларли даражада камайгани ҳолда, 2019 йилда 2018 йилга нисбатан кескин ошган. Бу эса, қишлоқ хўжалиги маҳсулотлари экспортини молиялаштириш амалиётини такомиллаштириш нуқтаи-назаридан ижобий ҳолат ҳисобланади.

Фикримизча, республикамызда қишлоқ хўжалик маҳсулотлари экспортини молиялаштириш билан боғлиқ бўлган долзарб муаммолар куйидагилардан иборат:

1. Ўзбекистон Республикаси тижорат банклари томонидан 2015–2019 йилларда қишлоқ хўжалиги ишлаб чиқарувчилари ва корхоналарининг экспорт операциялари бўйича ҳужжатлаштирилган аккредитивларни очилмаганлиги ва кафолатларни берилмаганлиги.

2. Агробанкда ликвидлилик муаммосининг чуқурлашиб кетганлиги.

Мазкур муаммонинг юзага келиши икки сабаб билан изоҳланади. Биринчи сабаб, Агробанк томонидан фермер хўжаликларига берилган имтиёзли кредитлар бўйича муддати ўтган қарздорлик миқдорининг катта эканлиги ҳисобланади. 2019 йилнинг 1 январь ҳолатига кўра, Агробанк томонидан фермер хўжаликларига берилган имтиёзли кредитлар бўйича муддати ўтган қарздорлик миқдори 334 млрд. сўмни ташкил этди. Шунинг 177 млрд. сўми тугатилган фермер хўжаликларининг қарзидир.

Агробанкда ликвидлилик муаммосини юзага келишининг иккинчи сабаби – бу трансформация рискининг чуқурлашганлигидир.

3. Қишлоқ хўжалигини суғурталашнинг ривожланмаганлиги.

Қишлоқ хўжалигини суғурталашнинг ривожланмаганлиги, фикримизча, суғурта тарифларининг юқори эканлиги ва қишлоқ хўжалигида рентабелликнинг паст эканлиги билан изоҳланади.

Тараққий этган мамлакатлар тажрибаси кўрсатадики, қишлоқ хўжалигини суғурталаш жараёнини давлат томонидан молиявий қўллаб-қувватлаш қишлоқ хўжалигини давлат томонидан тартибга солишнинг асосий инструментларидан бири ҳисобланади.

Юқорида қайд этилган муаммоларни ҳал қилиш учун, фикримизча, куйидаги тадбирларни амалга ошириш лозим:

1. Тижорат банклари томонидан қишлоқ маҳсулотлари экспорти бўйича очиладиган ҳужжатлаштирилган аккредитивлар ҳажмини ошириш йўли билан мазкур экспортни

молиялаштириш кўламини кенгайтириш мақсадида, биринчидан, ушбу аккредитивлар экспорт қилинаётган қишлоқ хўжалиги маҳсулотлари тўлови бўйича хорижий банкнинг ҳужжатлаштирилган аккредитиви мавжуд бўлган экспортёрларга очилиши лозим; иккинчидан, ушбу аккредитивлар ҳисобидан экспорт қилинадиган товарларни ишлаб чиқариш билан боғлиқ бўлган жорий харажатлар ва товарларни ташиш харажатлари молиялаштирилиши керак; учинчидан, ушбу аккредитивлардан фойдаланувчи экспортёрларнинг жорий ликвидлилиги халқаро амалиётда умумэтироф этилган меърий талабдан (2,0) паст бўлмаслиги зарур.

2. Агробанкнинг жорий ликвидлилигини ошириш йўли билан унинг қишлоқ хўжалиги маҳсулотлари экспортини кредитлаш имкониятини ошириш зарур.

Ўз навбатида, тижорат банкининг ликвидлилигини таъминлаш бир қатор тадбирларни амалга оширишни тақозо этади. Улардан асосийлари, фикримизча, қуйидагилардан иборат:

- ▶ муддати ўтган кредитларнинг мўтадил даражасини таъминлаш;
- ▶ муддати ўтган кредитларнинг йўл қўйиш мумкин бўлган чегаравий даражасига эришиш;
- ▶ кредитлардан кўриладиган зарарларни қоплашга мўлжалланган захира ажратмалари бўйича меъёрий талабларга эришишни таъминлаш;
- ▶ тижорат банкларининг жорий ликвидлилиги бўйича меъёрий талабни бажариш;
- ▶ активлар рентабеллигининг мўтадил даражасига эришган ҳолда, активлар ва жалб қилинган маблағларнинг муддатлари ва суммалари ўртасидаги мутаносибликни таъминлаш.

3. Қишлоқ хўжалиги маҳсулотлари экспортини суғурталашни такомиллаштириш мақсадида:

биринчидан, ўзаро суғурталаш инструментида фойдаланиш кўламини кенгайтириш керак. Чунки, мазкур инструмент қишлоқ хўжалик маҳсулотларини суғурталаш билан боғлиқ бўлган харажатлар миқдорини камайтиради;

иккинчидан, фермер хўжаликларининг рентабеллик даражасини паст эканлигини ҳисобга олиб, уларнинг маҳсулотлар экспорти билан боғлиқ бўлган харажатларининг бир қисми давлат бюджети маблағлари ҳисобидан тўлаб берилиши керак;

учинчидан, қишлоқ хўжалик маҳсулотларини экспорт қилишда товарларни етказиб беришнинг суғурта харажатларини импортёрга юклаш имконини берадиган шартларидан фойдаланиш лозим.

ФОЙДАЛАНИЛГАН АДАБИЁТЛАР

1. www.vto.org (Жаҳон савдо ташкилоти).
2. Экономика России в 2019 году. – М.: ИЭП, 2020. С. 249.
3. Ўзбекистон Республикаси Президентининг 2017 йил 7 февралдаги ПФ-4947-сонли «Ўзбекистон Республикасини янада ривожлантириш бўйича Ҳаракатлар стратегияси тўғрисида»ги фармонида 1-илова//Ўзбекистон Республикаси қонун ҳужжатлари тўплами. – Т.: 2017. № 6 (766). 32-б.
4. Ташқи иқтисодий фаолият. www.stat.uz (Ўзбекистон Республикаси Давлат статистика қўмитаси).
5. Давлат бюджетининг ижроси. www.mf.uz (Ўзбекистон Республикаси Молия вазирлиги).
6. Кредитлаш амалиёти. www.agrobank.uz (Акциядорлик-тижорат «Агробанк»).
7. Кўзда тутилмаган ҳолатлар. www.agrobank.uz (Акциядорлик-тижорат «Агробанк»).



Темиров А.А.,
ТДИУ и.ф.н., доцент

КОРПОРАТИВ ТУЗИЛМАЛАР ДИВИДЕНД СИЁСАТИ ТЕНДЕНЦИЯЛАРИНИНГ ТАҲЛИЛИ

АНАЛИЗ ТЕНДЕНЦИЙ ДИВИДЕНДНОЙ ПОЛИТИКИ КОРПОРАТИВНЫХ СТРУКТУР

ANALYSIS OF TRENDS IN THE DIVIDEND POLICY OF CORPORATE STRUCTURES

Аннотация. Мақолада муаллиф томонидан корпоратив тузилмалар фаолиятида дивиденд сиёсатининг корпоратив стратегиядаги ўрни очиб берилган, компаниялар томонидан танланган дивиденд сиёсатини ишлаб чиқишига таъсир этувчи омиллар ёритилган, мамлакатимиз компанияларида дивиденд сиёсатини ишлаб чиқиш тартиби баён қилинган, шунингдек, дивиденд сиёсатининг асосий тенденциялари таҳлили тўғрисида фикр юритилган.

Таянч иборалар: компания, корпоратив бошқарув, дивиденд, дивиденд сиёсати, корпоратив стратегия, акциядорлар, қарор, қайта инвестициялаш, молиялаштириш.

Аннотация. В статье автором описана роль дивидендной политики в корпоративной стратегии в деятельности корпоративных структур, рассмотрены факторы, влияющие на развитие выбранной компаниями дивидендной политики, раскрыт порядок разработки дивидендной политики в отечественных компаниях, а также проанализированы основные тенденции дивидендной политики.

Ключевые слова: компания, корпоративное управление, дивиденды, дивидендная политика, корпоративная стратегия, акционеры, решение, реинвестирование, финансирование.

Annotation. In the article, the author describes the role of dividend policy in corporate strategy in the activities of corporate structures, examines the factors influencing the development of the dividend policy chosen by companies, discloses the procedure for developing dividend policy in domestic companies, and analyzes the main trends in dividend policy.

Key words: company, corporate management, dividends, dividend policy, corporate strategy, shareholders, resolution, reinvestment, financing.

Иқтисодий ривожланишнинг ҳозирги даврида мамлакатимизда корхоналар фаолияти-ни самарали ташкил этиш масаласига жиддий эътибор қаратилмоқда ва бу борада қатор ислохотлар амалга оширилмоқда. Ўзбекистон Республикаси Президенти Ш.Мирзиёев таъкидлаганидек «Халқаро тажрибани ўрганиб, рақобатни олиб кириш мумкин бўлган монополия соҳаларига хусусий сектор учун йўл очиш ва шу орқали рақобат муҳитини шакллантириш лозим. Бу борада табиий монополия ва рақобат тўғрисидаги қонунларни